



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 142 (16752)

2003 чылдың
НОЯБРЬ 4,
вторник

Ат салган шагы 17.20
Садар өртээ 3 рубль.

Чурттаар оран-сава политиказы

ИПОТЕКА ЧЭЭЛИЗИ ЭГЕЛЭЭН

Эрткен неделяда Тыва Республикага ипотека чээлизиниң дугайында үш талалыг дугуржулгага ат салдырган. Ат салышкынының езудалынга республиканың оракакчы премьеры Александр Брокерт, чурттаар оран-саваның ипотека чээлизиниң федералдыг агентилелиниң директору Александр Семеняка, чурттаар оран-саваның ипотека чээлизиниң республика агентилелиниң директору Аяс Лопсан олар киришкен.

Тыва ук системаже каттыжып кирген 51-ги регион болур. Ырак-ла дизе, бир-ийи ай болгаш республиканың чурттаар оран-сава садып алып күзэлдиг хамаатыларынга ипотека чээлизиниң ачы-дузазын көөр арга тыптып келир.

Дугуржулгага ат салырының мурнуу чарында эрткен семинарга үр хуусаалыг ипотека чээлизин Тывага хөгжүдериниң айтырыын чугаалашкан. Ооң ажылынга киришкен республиканың яамылар, ведомстволар, банкылар болгаш тудуг организацияларының удуртукчуларынга Москвадан келген аалчылар — федералдыг агентилелдин директору Александр Семеняка, чурттаар оран-сава политиказының база маркетингиниң талазы-биле департаментиниң директору Александр Егоров, регионалдыг программалар эргелелиниң начальниги Борис Тимофеев «ипотека дээрже чурттаар оран-сава тудушкунунуң шимчедикчи күжү-дүр» деп чүүлдү допчузу-биле тайылбырлап чугаалааннар.

Александр Семеняканың чугаазы-биле алырга, үр хуусаалыг ипотека чээлизи акша шыгжамырлыг болгаш чээли төлээшкининге бодунуң орулгазындан 35-тен хөй эвес хууну үндүрүп болур ортумак шыдалдыг хамааты чурттаар оран-сава айтырынын чогумчалыг шийтпирлеп алып аргалыг болур. Чээлиниң хемчээли квартираның өртээниң 70 хуузу болур, баштайгы дады-вырны долу хемчээлдиг кирип шыдавастарга күрүне субсидияларын бээри база көрдүнген. Чээлини 20 чыл хуусаага бээр, а аныяк өг-бүлелерге ону 30 чылга бээриниң арга-хоргазын база чугаалажып турар.

Ипотека чээлизин бээрде кириер салыгны агентилел 15 хуунуң деннелинде тургускан, ескээр чугаалаарга, 12-13 хуулуг инфляция турда, чээлиниң езулуг өртект-үнези чылда 2-3 хуу болур.

Александр Семеняканың чугаалап турары-биле алырга, «Чурттаар оран-саваның ипотека чээлизиниң талазы-биле агентилел» ААН-ни чурттуң бюджет хевирлеп тургузуп турар 18 бүдүрүлгезиниң даңзызынче кириген. Ону Россияның Чазааның чанында тургускан.

Ипотека чээлизин алган мун кижиниң чүгле чаңгызы ону төлеп шыдавайн барып болур деп санап турар, ынчалза-даа 1000-дан 2 кижиге төлеп шыдавайн барып болур деп таварылганы безин үндезин кылдыр алып болза, чээли берикчилери чүндү-даа чидирбес, чүге дизе ипотека фондузу чээли алыкчыларының хөй санының күсели-биле доктаамал долдунар.

Агентилелдин төлээлериниң чуруп көргүскени перспективалары чеже-даа чаагай көзүлзе, чурттаакчы чоннуң амыдыралының деннели чавыс Тывага ук система турумчуй бээр дээрзинге чамдык кижилер чигзинип турарлар. Семинарга Александр Семеняка чыылганнарга боду мындыг чижекти кириген: бир эвес кандыг-бир хамааты 300 мун рубльдин ипотека чээлизин ап турар болза, ол 20 чылдың дургузунда ай санында 4-5 мун рубльди төлээр апаар. Ындыг өг-бүлелер Тывада хөй деппе ынчаш? Чээлиниң хуузу чылда 45 мун рубль. Бир эвес ону 20 чылга көвүдөдиптер болза, 900 мун рубль үнүп келир. Аңаа хамаатының алганы 300 мун рубль чээлизин кадыптарга, 1 миллион 200 мун рубль болур. «Ортумак кижиге» ортумак квартираны шак мындыг түнге алып-дыр. Ооң кадында ол 20 чылдың дургузунда ук квартираны садар-даа, хөлө-зиге бээр-даа, орнаар-даа эрге чок болур.

Тываның рыногунда чурттаар оран-сава өртээниң чиигин өөренип көөр чүве болза, ук негелделер кымга-даа таарымча чок болгу дег: «акша шыгжамыры кылып шыдаар» хамаатыларга ол 300-400 мунну ук иштинге чыып алганы, адак дизе акша-хөрөңгилерин банкыга бүзүрөп, харын-даа оон хууларны алыры чиик. Ооң кадында Москвадан келген аалчылар боттары безин «чурттаакчы чоннуң орулгалары чурттаар оран-сава өртээнден дүрген өзүп олурар» деп демдеглээннер. Ынчангаш-ла боор, ипотека чээлизиниң ачы-дузанын алган хамаатылар ам безин 5 чылды бурунгаар төлеп шыдапканнар.

В. МАРКОВА.

«АЛАҢ-ТОС» ОН ХАРЛААН



Ноябрьның 1-де С.Пюрбю аттыг Улусчу чогаадылга бажыңыга Кызылдың хореография школазының уругларның үле-герлиг ансамбли «Алаң-Тостун» он харлаанынга тураскааткан юбилейлиг кежээ болуп эрткен. Бичи балериналар ол кежээ кайгамчык солун концертти чыылганнарга бараалгаткан. Балет Тывага делгерээр дээрзинге бо школаның өөреникчилериниң оюнун көрүп оргаш, кижиге бүзүрөвес арга-жок.

Он харлаан ансамблге байыр чедирип сөс алгаш, ТР-ниң культура болгаш национал херектер талазы-биле сайыды Эрес Данзын оң Тываның адын делегейге алдаржыдарынга, тыва культураны хөгжүдеринге кирип келген улуг үлүг-хуузуң, башкыларның болгаш өөреникчилериниң кызымак күш-ажылын онзалап демдеглээн. ТР-нин Чазак Даргазы Ш.Д. Ооржак оларга пианинону сургакчылаашкындан келгеш, белек кылдыр бээр деп турар дээрзин дыңнатпышаан, коллективке моон сонгаар-даа чайынналчак чедишкиннерни күзээн.

Кызыл хоорай чагыргазының даргазы Дмитрий Донгак алаң-тосчуларга изиг байыр чедирбишаан, ам-даа улуг-улуг чедишкиннерлиг болурун күзеп, он харлап турары-биле деткимче кылдыр үжен мун рубльди берген.

ТР-ниң Парлалга болгаш информация талазы-биле күрүне комитетиниң даргазы Очур Шириңдүү хореография школазының башкылар коллективинге ада-иелерниң өмүнээзинден өөрүп четтиргенин илередип сөс алгаш, ажы-төлдү өөредип кижизидеринге оларның кирип турар улуг ролун онзалап айтыптышаан, моон сонгаар-даа «Алаң-Тос» кайгамчык чараш танцылары-биле көрүкчүлерин өөртүп чоруурун күзээн.

Шынап-ла, он-на чыл дургузунда хореография школазы кайгамчык чедишкиннерни чедип алган. 1993 чылда школага чүгле 56 өөреникчи турган болза, ам ында 350 ажыг уруглар, оолдар өөренип турар. «Алаң-Тос» көстүп келгеш-ле, хөйүнү кичээнгейиниң төвүнде апарган. Частып турар дириг алаң-

тостарлыг танцыны көрген улус бо коллективтин келир үези-даа тергийн-дир дээрзинге ол дораан бүзүрөй берген. Алаң-тосчулар ол бүзүрелди шыңзыдып шыдаан. Олар чылдан чылче бедик чедишкиннерни, тирилгелерни чедип ап келген. Оларның бир дугаар улуг тирилгези — «Москва чогуунуң кежээлери» деп мөөрейге ийи дугаар чер алганы. Улаштыр чыл санында «Тихвинский лель», Красноярскиге Годенко аттыг конкурс, Стамбулга түрк дылдыг чоннар фестивалы, «Веселая радуга» дээн ышкаш хөй-ле конкурстарга олар тиилеп келген. Июль айда Одесса хоорайга эрткен «Веселая радуга» мөөрейге алаң-тосчулар Гран-при шаңналды алган. Пермь, Уфа, Елец, Ижевск дээн ышкаш балет аажок сайзыраан хоорайлардан келген өөрлерин безин аңаа ажып кааннары ол-дур. Ол дээрже кайгамчык тирилге болбас аргажок.

Бүгү чедишкиннерге школаның директору Раиса Седиповна Стал-оолдун улуг үлүг-хуузу бар дээрзинде чигзиниг чок. Мөөрейлерге тирикчи болган танцыларны дөгөрезин Раиса Седиповна боду тургускан.


Байырлыг кежээге Р.С. Стал-оол он өөреникчинге Кызылдың хореография школазын дооскан дугайында шыңзылгаларны тывыскан. Олар келир үеде балериналар болур дээрзи чугаажок.

Он харлааның-биле, чараш «Алаң-Тос»!

Светлана БАЛЧЫР.

Чуруктарда: хореография школазының өөреникчилери танцылап тур; школа дооскан дугайында дипломнарны Р.С. Стал-оолдун тыпсып турары.

Василий Балчий-оолдун тырттырган чуруктары.



Контроль-ревизия албанында

ХАЖЫДЫЫШКЫННАРНЫ БОЛДУРБАС ДЭЭШ



— 1923 чылдын октябрь 23-те ССРЭ-ниң Улус комиссарының чөвүлелиниң болгаш Төп күүсекчи комитеттин доктаалдарына дүүштүр саң-хөө хыналда эргелели чер-черде аппараттары-биле тургустунган.

Ол үеден эгелээн саң-хөө системазынга күрүне өнчү-хөреңгизиниң экономиктиг чарыгалын саавырлар езугаар хынаар контроль-ревизия органнарының тургустунган төөгүзү эгелээн. 1938 чылда контроль-ревизия органнары чаңгыс улуг система кылдыр хевирлеттинген. Контроль-ревизия эргелелдериниң болгаш чер-черде оон органнарының эргелери делгемчип, эвилел бюджетди-биле хандыртынып эгелээн. ССРЭ-ниң бүгү девискээрлеринге хыналданың күштөлип эгелээниниң түннелинде хөй миллион рубльдин чарыгалдары күрүнеге дедир эгиттинген. Бюджетче кирген төлевирлер чылдан чылче өзүп турган. 70 чылдарның эгезинде күрүне бюджетинче 538,3 млн. рубль чедир санаттыган болгаш кирген. Когарал чедиргени дээш 49,8 млн. рубльди хавырған. 70 чылдарның төнчүзүндө күрүне бюджетинче 880,8 млн. рубль чедир санаттыган. Когарал чедиргени дээш 92,8 млн. рубльди хавырған. 1996 чылда федералдыг бюджетче болгаш бюджетте эвес фондуларже 2 трлн. рубль чедир санаттыган.

Контроль-ревизия органнарының эргелериниң турумчуп быжыкканы-биле ревизияның методиктиг удуртулгазы экижи, ажилга негелделер улгадып эгелээн. 1953 чылда контроль-ревизия эргелели ревизорларның аппараттарын быжыглаар сорулга-биле чер-черлерже 400 ажыг тускай эртемниглерни чоруткан. А 1956 чылда ССРЭ-ниң Саң-хөө ямызының контроль-ревизия эргелелиниң

чер-черде органнары эвилел республикаларның Саң-хөө ямыларының хүрээлеинче дамчыттыган. Ындыг байдал 1998 чылга чедир турган. 1998 чылда РФ-тиң Чазаның доктаалына дүүштүр чер-черлерде (субъектилерде) контроль-ревизия эргелелдерин организастааны КРЭ-ниң (контроль-ревизия эргелелиниң) сайзыралының чугула үе-чадазы болган. Тус-тус субъектилерде контроль-ревизия эргелелдери боттарының бүгү туруп келген үезинде бир-ле дугаар бот-тускайлаң юридиктиг арыннар болу бергилээннер. Ук доктаал езугаар РФ-тиң Саң-хөө ямызының тус-тус субъектилерде контроль-ревизия эргелелдериниң дугайында

тургузуп турар документилерни хүлээп алганы-биле контроль-ревизия эргелелдериниң күрүне-ниң саң-хөөзүн чурумчудар ролю үндезини-биле өскерилген: бир дугаар черже КРЭ-ниң федералдыг акша-хөреңги, өнчү хынаар ажылы үнүп, харын-даа аңаа корум-чурум үрекчилеринден өскээр чарыгдаттыган акша-хөреңгини төледир, хураар санал киирер эргени алган. Контроль-ревизия органнары боттарының туруп келгени 80 чылдарның иштинде саң-хөө хыналдазының күрүнеге эргежок чугулазын, Россияның Саң-хөө ямызының контроль чорудар күрүне Департаментизиниң, чер-черде контроль-ревизия эргелелдериниң бактаап турар төпчүттүнген

мун хажыдып болур чамдык нормативтиг актыларны өскерттир азы солуурунун дугайында саналдарны, шиитпирлерни хүлээп ал болур.

Тывага контроль-ревизия албаны 1944 чылда ТАР ССРЭ-ниң составынче киргенде тыптып келген. Чаа тургустунган областың саң-хөө эргелелинге контроллер-ревизорлар 5-ле кижиге турган. Тываның ыңчангы контроль-ревизия албанын С.Н.Тургенев, А.М.Зимарин, Ф.И.Килин, Н.П.Порватов, Б.А.Зимарин, Д.Г.Катруша, П.В.Тихонов, С.Д.Ховалыг олар тус-тус үелерде удуртуп турганнар. Аар ажилдын кол чымыжы хоочун ревизорлар З.Л.Пушкарева, Н.П.Филиппова, Ф.И.Килин, В.П.Барабанов,

чоргаарланып чоруур бис. Олар хөй чылдарда ажилдап, күрүне-ниң шаңнал-макталын ап, бедик аттарын эдилеп чоруурлар. Ниитизи-биле бистин эргелелде үш "Саң-хөө ажылының тергиннери", үш "Күш-ажылдын хоочуннары", дөрт "Тыва Республиканың алдарлыг ажилдакчылары" ажилдап турар. Эргелелдин ажылынга эки түннелдиг хыналдалары-биле Н.Н.Романова, А.И.Василенко, А.Т.Сат, Л.А.Сафонова, Ш.С.Чигжит, О.О.Монгуш, А.Ш.Сиирин, А.С.Ондар, Л.И.Олина, С.М.Оргу, И.А.Жук, С.Ш.Ондар, М.А.Ерина, М.О.Букина, С.П.Сат олар улуг үлүүн киирип чоруурлар. Эргедужаал ажыглап, күрүне өнчү-хөреңгизинче хол сугар, саң-хөө,



дүрүм бадыткаттынып, кол албан-хүлээлгелери, эргелери тодараттыган. Дараазында ийи чылда РФ-тиң Саң-хөө ямызының контроль-ревизия аппараттарының ажылынга улуг салдарлыг эрге-хоойлу баазаның үндезиннерин тургузуп турар чугула документилерни хүлээп алган. Ол РФ-тиң Саң-хөө ямызының федералдыг казначейство, прокуратура, ИХЯ, айыыл чок чорук органнары-биле контроль-ревизия эргелелдериниң аразында кады ажилда-жилгазын чурумчудуп турар албан черлериниң аразында харылзааларына хамааржыр дужаалдары болур. Эрге-хоойлу

чаңгыс аай системазының ажылының бүдүрүкчүлүүн бадыткап көргүскөн. Бир эвес контроль-ревизия эргелелдери өнчү-хөреңгиниң бүгү хевирлеринге, саң-хөө ажил-агыйынга документ езугаар хыналда кылып күрүне-ниң күүсекчи эрге-чагыргазының чаңгыс-ла тургузуу болган болза, күрүне-ниң саң-хөө хынаар чаңгыс аай системазы Россия Федерациязының бүгү девискээрлеринге хары утга улуг хыналда чорудуп шыдаар аргалыг. Хыналдаларның түннелдеринге үндезилеп, күрүне-ниң өнчү-хөреңгизин камнап-кадагалаар сорулга-биле РФ-тиң Чазаа күүселдези саң-хөө чуру-

Г.М.Аникин, Р.П.Молчанова, Н.Л.Сарыглар, К.У.Сиирин оларның экинге чүдүрлүп турганы чугаа-жок. Контроль-ревизия албанының сайзыраарына олар улуг үлүг-хуузуун киирип турганнар.

Ревизор кижиниң чымыштыг, айыыл, кыжанышкыннар, ыйышкыннар-биле холбашкан аар ажылынга дыка хөй кижилер таарзынмас. Аңаа чүгле коргуш чок, дидим кижилер ажилдап шыдаар. Ынчангаш бис ук шылгалдалыг ажилга ам-даа ажилдап, чонга, күрүнеге ачыбуянын көргүзүп чоруур Ф.М.Калбакка, Х.С.-С.Хертекке, С.С.Д. Монгушка, О.С.Норбуга, М.К.Салчакка, К.К.Кадыг-оолга

бюджет чуруму хажыдар чоруктарга удур күрүне уjur-дузалыг херекке бистин хоочун болгаш аныяк специалистеривис улуг үлүгнү киирип турар.

Татьяна МОНГУШ,
Россияның Саң-хөө ямызының ТР-де Контроль-ревизия эргелелиниң удуртукчусунун хүлээлгезин күүседип турар.

ЧУРУКТАРДА: Россияның Саң-хөө ямызының ТР-де Контроль-ревизия эргелелиниң удуртукчусунун хүлээлгезин күүседип турар Татьяна Монгуш; найыралдыг коллектив.

Василий БАЛЧЫЙ-ООЛДУН
чуруктары.

СӨӨЛГҮ ШАКТА

■ РФ-тиң Президентизи дүүн Израильдин премьер-министри Ариэль Шаронну хүлээп алгаш, Израиль-палестин айтырыында байдалды чугаалашкан. В.Путин баштай палестин удуртукчуну хүлээп алып уjurлуг турган, ынчалза-даа оон мурнап келбээнинден А.Шаронну хүлээп алган.

■ Эрткен дыштаныр хүнде Грузияга парламент сонгулдалары эрткен. Чаа сонгуттурар парламентиниң составы кандыг болурундан президент Э.Шеварднадзениң салым-чолу шиитпирлеттинер уjurлуг

турган. Баштайгы түннелдерни езугаар оппозиция хөй бадылаашкыннары ап турган, ынчалза-даа 17 округка улуг хажыдышкыннар болганындан сонгулдаларны болбаан деп санаан. Сонгулдалар бооп турар үеде: "Хуусаам 2005 чылда доостур, оон пенсияже үнүп, политиктиг ажилдан ойталаар мен" — деп, Э.Шеварднадзе медеглээн.

■ ЮКОС компанияга хамаарыштыр ап турар хемчеглерге АКШ-тың холгаарлаашкынын РФ-тиң даштыкы херектер сайыды Игорь Иванов буруу шапкан.

■ Президент В.Путин Москвада кино фабриказынга чораан болгаш оон ажылы-биле тодаргай танышкан. Ук фабрика бо чылын 60 кинофильмнерни кылган. Акша-хөреңги чедишпейн турарын кинорежиссер Станислав Говорухин хомудап чугаалаан.

■ Хөл шыдыраага делегейниң баштайгы чемпионун, өлгүжеге чедир кымга-даа аштырбаан гроссмейстер Александр Алехинниң 111 харлаанынга холбаштыр оон Парижте хөөрүн сегидип селиирин шиитпирлээн.

■ Делегейниң космоста станциязы үш чыл ажилдаан. Бо үениң дургузунда аңаа 104 космонавт чораан.

■ Калифорния штатка улуг өрт үезинде 250 муң гектар чер болгаш үш муң бажыңнар өрттенген. Бо хүннерде ында өл хар чаганындан өрт хемчээли эвээжээн.

■ Иракка америк шериг вертоледун аңдара аткан. Аңаа чораан шериглерден 13 кижиге өлгөн, 21 кижиге балыгланган.

■ Грозныйга шериг хептиг, арыннарын дуй шарыттыган дээрбечилер хоочуннар чурттап турган бажыңче халдап киргеш, 13 муң рубль шыгжаан сейфти оорлап алган.

■ Испанияның хааны Хуан Карлостун 35 харлыг оглу мурнунда ашаандан чарылган дулгук кысты кадын кылып алган.

■ Эрткен неделяда Россияның Шериг-Далай флорунун Москвада Кол штавынга өрт үнгөн. 1918 чылда ыяштан кылган бажыңга болган ол өрттү улуг күш-биле өжүргөн.

■ Кыдат Улус Республика космосче үш космонавтылыг ийиги ужудуушкунну белеткеп турар.

■ Литвада колбаса, быштак артынчыларындан электри энергиязы бүдүрер чаа арганы чогааткан. Ындыг бичии станция ук бүдүрүлгениң электри энергиязынга 10 хуу хергелелин бүдүрүп турар.

(Агентилелдер медээлеринден).

